

玉

笙

樓

詩

錄

玉笙樓詩錄卷九

海昌 沈壽榕 意上

光緒丁丑

詠史五首

封常清

無媒自進心所恥以貌取人失子羽幕下何時有  
此才捷布潛書眾驚喜令肅張吾軍暫假郎將死  
居然大將風奚重節度使其初天下皆昇平賊鋒  
突起誰敢撓先驅市井分部伍河陽橋斷波濤聲

市人戰兵力疲潼關已陷京師危三書不聞請討  
賊一死甘心仍白衣臣當誅誰備胡四方猛士今  
何如延秋門外空啼烏

李泌

元宗號奇童九齡呼小友軍中衣白衣終作神仙  
否高不在歸衡山功不在收兩京片言悟主全骨  
肉能安社稷爲良臣萬歲後尙有子不早諫恐殺  
爾噫吁噫公子偏由獄中死作傳向人求廢紙

王彥章

堂堂復堂堂人呼王鐵槍殿前笏畫地義憤言慨  
棟破敵之期三日易飲酒半酣兵已至朝士偏工  
貝錦讒國有趙張方用事心不懼鬪雞兒名不朽  
豹留皮堂堂復堂堂史筆推歐陽大書死節王彥  
章

奈闕

不受婆律香冰壺心自芳味經甘如飴拂衣歸青  
陽朝廷命作淮西使獨捍危城六年矣大呼散卒  
生何爲丈夫報國死則死三尺劍一池水千人誰

肯負將軍田橫五百先如此  
韋孝寬奇謀著張與  
許英名附欲將舊事問祠官  
履聲橐橐老臣素

史可法

危城力守張睢陽凜然正氣  
文天祥公如不死明  
不亡人心已去難爲計  
社稷之臣忠無貳九原上  
對高皇帝魂藏碧血衣  
冠古那得孝陵一坏土  
春風吹冷梅花塢吁嗟乎  
孱王歌舞無愁耳叔季人  
才尙如此更有江陰閻典史

題朱次民觀察夔州雜詩二首

名在勤  
石屏人

杜老秦州後夔州又雜詩因君吟賞地觸我舊遊  
時夜雨巫山縣秋風白帝祠巴人猶古調能唱竹  
枝詞

霜信城頭角簫聲水面樓但餘襟上酒還記客中  
愁爾我文章老乾坤戰伐休南來共西望空見暮  
雲浮

聞藥農太守歿於秦中哀輓三首

三十年前友豪華竟少雙離情垂玉筯催句剔蘭  
缸古色書連屋春流粉濯江

寓居渝州其江又名粉江忽聞鄰

三  
笛怨悽絕不成腔

好客師文舉狂名比次公丹青綴入妙粉黛豔如  
叢新曲珠喉嚙蠻箋錦樣工於今成一哭吾亦漸  
成翁

君生本遺腹有母在高堂四十仍無子思之最可  
傷壯遊古關隴餘劫小滄桑歸櫬知何日巴山信  
渺茫

題朱筱園明經詩稿二首

名庭珍  
石屏人

石屏山水瀕中秀著作君家次第看

乃兄次民觀  
祭詩集已刊

力士挽弓驚臥虎仙人吹笛跨神鸞相逢把臂吾  
將老若並論兄弟亦難門戶掃除能獨立戲場羣  
起肖衣冠

歷落嶽寄笑可知眼開差喜見君詩

時余目疾初愈

初爲

遠道無家別未免中年好酒悲名士最難忘結習  
古人原不合時宜干將易折鐘鏞啞鄭重鑪錘在  
手持

買符行

有引

世傳正乙張真人符能治鬼每多出金購之



光緒二年有賣假符者真人牒請察治沈子聞而歎曰符不買卽無假矣作買符行一篇

上清宮乃羣仙都名之正乙其尊乎五斗米師前已徂治頭祭酒而今無陽平賜號傳神樞六十一

代隆規模

自張道陵至今共六十一代

紛紛買符如買珠奇光

盤鬱懸靈圖蛟虬蛇蚓蝌蚪蛛筆所未到隨墨塗丹砂鈴印研珊瑚召來丁甲降妖狐藏同美玉待價沽誰陳屢鼎難辨誣女兒翦綵工描摹文章依樣猶葫蘆真人聞此長嗟吁是敗吾道非吾徒細

分點畫差錙銖似盜奔逸當追逋我云何足怪也

夫既開利竇萌覬覦可憐俗眼多塵污但觀大略

忘精麤邊陲好神尤信巫蓮花萬朵參跏趺

昆明作龍

華會翦綵作蓮花無數得者爲榮以天師符厭勝

旛幢錦繡張螯弧布施

笑擲金錢輸西方象教宗浮屠東魯國門稱老儒  
望洋興歎成畏途漢哀帝時生耶蘇橫流滄海隄  
防疎終南捷徑求爲奴安能仰叩天閭呼赫然震  
怒雷霆誅自傷貌寢堪羞嫖拈毫細抹青與朱便  
逢路鬼憑挪揄詩囊那得真人符

題平獠戰圖三十韻

有序

嘉慶七年維西獠獠恆乍綳倡亂雲貴總督  
覺羅公琅玕督師往剿恆乍綳逃瀾滄江外  
餘皆降冬間江內夷附恆乍綳復叛

上命再往至八年九月擒恆乍綳斬於軍旋師後

繪圖徵詩今爲辛子彝提舉

傳註

所藏

邊夷名獠獠戎莽伏維西使出專征鉞秋高警戍  
輦五申初令發萬甲巳山齊隘奪藩籬固飈揚草  
木低懸旌超雪嶺轉粟仰天梯魯甸塘誰守瀾滄

渡欲迷瓜皮連彩鷁

賊截瀾滄江官軍刳圓木爲舟名黃瓜船每船五人連環

而進海角照燃犀獸突黃腰斬苔縈白骨斲新霜寒

赤野强弩斷清溪

賊伏弩於間道官軍焚山而進

陣密軍如蟻關

嚴客聽雞橫屍誅負貳

恆乍縹祖墓在康里山掘之屍猶未腐遍體生毛

築觀埽鯨鯢巢覆遺完卵魂遊悔噬臍受降偏網

漏聞

命再戈提遯跡殊荒怪

恆乍縹逃出阿猓都

在萬山中師行恐久

羈災猶同水火望更切雲霓界劃鴻溝判窮探虎

穴栖羣凶交煽動異類肯分睽怒子飛傳箭

官軍撫諭

怒子遂傳木刻堵剿竄匪男丁健把犁重臨施剿撫全局辨端

倪狡脫仍豈免偷生亦社鼙威聲鳴石鼓山弱息

委沙泥先獲恆乍縐之女名沙泥流毒蜂餘蠶銜枚馬不嘶妖

姬呼夢覺鬼伯似人啼賊目腊者布奪摩娑夷婦迷戀不去因被擒法

必伸元惡

恩尤惠遠黎金鏡歡獻捷繪帛遍相齋擒縱心俱

服壺漿手共攜深仁兼教養偉業願攀躋早見凌

煙畫難為大筆題蒼茫悲浩劫青黑雜蠻氏此日

昇平事催耕盼稻畦

大德寺

在雲南省城

朝爽初含雨憑高風自來半城迷遠樹雙塔表層

臺黑認銅標字

寺爲明沐國公重修塔頂有銅牌標識

青連佛座苔

無名藤最古斷處忽花開

采九太守贈藤杖二並附以詩依數奉答

昔人詠杖多奇語我作尋常現在論萬變煙霞留  
古色廿年劫火有灰痕閒來畫裏探雲路歸去湖  
邊叩石門凡物盡從雕鑿壞無知造化是靈根  
千里相貽又贈詩雙藤入手藉扶持自驚白髮來

三  
何早欲買青山或未遲依附儘多間草木短長宜  
稱瘦腰肢兒童笑學提攜舞便化神龍問幾時來詩  
有不須便化神龍去他日看雲萬里行之句

### 題清虛僧禪室

曲徑西斜竹萬行逢僧清話此閒房雲收夜雨拖  
煙溼風送林花香定後鐘聲喧梵唄愁餘佛  
火照滄桑熱中那得知禪味一息人間六月涼

筱園校拙詩後見贈長歌報以七律四章  
一詩重改一長吟得失躊躇祇寸心吏部曾云光

萬丈豪家應笑帚千金偶然出格成今體偏許張  
絃和古音領下驪珠探未得波瀾無際海量深  
花樣羞爭拙與工長歌磊落健爲雄誰知拉雜摧  
燒後都在經營慘淡中識路我慚如老馬鳴秋人  
說類寒蟲多君嗜好鹹酸外苦筍原非肉味同  
痛癢搔爬數斷髭求真吾亦愛吾癡靜聞天籟自  
然好苛論人才或未知啼笑兩難須比興是非千  
古各參差從來學佛先忘佛妙在拈花不語時

雲間飛下步虛聲引出瓊簫和玉笙

見和遊  
仙十首 舐鼎



纔知仙有福入壺誰信髮無情不  
愁滄海何年塞  
都說黃金點石成聞得天台依舊在  
相期採藥共  
長生

趙子昂臨李龍眠五駿圖杜鶴田方伯

瑞

聯所藏

吳興世傳八駿圖紛紛畫像依葫蘆  
忽披此卷觀  
五駿獨開意境尋常無杜公好古出  
示我猶存題  
字申大夫舊籤為明申公時行所題  
雄姿逸德盡想像神全骨  
立非皮膚一馬錦膊隨蠻奴頭赤來  
自秦中都溫

溪心進照夜白豹頭鳳頸形各殊元祐年間歷貢  
獻龍眠原本施鉛朱今惟見趙不見李眾工擱筆  
空踟躕我聞天閑皆名駒四十萬匹如雲驅安能  
乞公千手眼房精一一窮追摹又聞韓幹昔畫十  
六匹東坡十四傳疑誣古來詠馬誰敢作少陵而  
後推髯蘇吁嗟乎吳興畫馬卽真馬不動不嘶羞  
樞下老困鹽車力漸疲風塵笑我胡爲者

權溟臬事言懷四首

習嬾百不濟清齋同枯禪守默師寂寥委運觀變

遷辛未領鹽法彈指將七年壯心久坐耗對影嗟  
華顛額課作兵餉兩庫急所先歲撥十五萬部牒  
期難延計口民益少井竈俱廢煎今秋霖雨災水  
溢如湧泉提舉來告我我省由自愆躊躇起中夜  
飽食糜俸錢閒曹尙恐懼遑敢操事權何以告無  
罪慎思其勉旃

少壯眼電飛今乃塵霧蒙欲乞仙人方洗之雲水  
中春病秋復劇晴光驪珠紅坐悶行似盲畏日尤  
避風賓主罷迎送扶將需僕僮忽驚我相非頓使

名心空自顧血氣衰難藉參苓功一服清涼散數  
時開暗膏豁然埽除翳如鳥初脫籠臍腑轉流蕩  
七竅神明通展讀舊書卷傾巢驅蠹蟲庭菊有殘  
花餘香猶濛濛此際殊快意振蹶而發矇

病後思靜居檄來權察使奉職本無狀執法敢云  
爾兒時卽讀律先公悉親指慎重在毫髮出入  
繫生死壯歲客諸侯朝夕事案几筆秃手已僵漏  
盡言不止落葉埽更多亂絲夢難理久視成畏途  
况復近衰齒詎料境逼人疲馬鞭而起操刀未忍

割殺之豈得已

諸客喧言賀我豈得自由艱危思共濟同官如同  
舟前年縮藩條計拙空持籌興嗟時仰屋飢軍懷  
隱憂羅掘實徼倖遠大難爲謀今復陳臬事莫挽  
頽波流邊陲元氣傷病久醫難投刑賞本忠厚此  
外非所求

光緒戊寅

雪堂僧以石刻黃文節楷書金剛經拓本

見寄

退院閒中事傳書照一燈飽看山谷字渴想雪堂  
僧鐵限猶如昨金剛得未曾何當遊五嶽相對笑  
扶藤

寶雲亭

亭在寶雲局池上

亭子何年廢叢荒見石欄欹門松蓋折涸沼藕根  
殘風動覺春冷我來思舊歡戊午冬汪慧生觀察招飲於此光芒

詩壁在相業兩文端

鄂文端尹文端皆有詩刻

題圓通寺二首

寺在螺峯山下

碑題延祐倚虛廊山擁螺鬟拂鏡光鐘鼓無聲空

殿閣神仙有淚泣滄桑磨崖宇滅青如玉斷樹苔  
生紫過牆泉溜冰寒春不到此中靈氣毒龍藏

閒房客過試敲門細認斑斑屐齒痕石壁畫傳吳

道子

石刻唐吳道子畫大士像

金經書憶趙王孫

寺藏趙子昂泥金書蓮華

經兵後全佚

風前草木微香遠雨後郊原暮色昏八百

年來興廢事高僧相對欲重論

寺創於蒙氏元延祐明萬厯皆重修

閱滇繫載明永厯王遁入緬甸國吳三桂

用兵脅之至雲南省城以弓弦縊死於金

蟬寺其地名逼主坡後更名爲昇平坡偶

尋遺址感賦二首

碧草化燐光傳聞事可傷  
主孱孤掌覆臣叛喪心  
狂勢已傾驟國魂猶戀帝鄉  
永曆被拘問吳三桂  
日尙許我見故鄉否  
應弦聲最苦毒計類排牆

廢額金蟬寺初名逼主坡  
燈昏僧久病碑仆字全  
磨南詔留殘劫東流感逝波  
紅顏坏土在天奈美人何

陳圓圓墓在商山  
寺側擬一訪之

送采九觀察還武陵

中壘博羣議長城工五言  
君家古多才浩如江海



三  
三  
翻先生振文采筆走風雲奔玉堂依北斗金齒驅  
南轅與我訂交初幕府同朝昏一晌今年日歸  
瞻里門仕路登強臺高舉猶翔鷗志豈在菹鱸奉  
母娛壽萱故鄉武陵縣厥地鄰桃源桃花千萬樹  
二月春光繁捕魚者已往陶公將誰論後期定良  
會且復歡清尊

臬廨豐園舊有亭池之勝荒穢久矣感賦

五首

野卉欹短垣其閒雜茅茨向晚逗微風花開如凝

脂僮奴笑拾取訝作傾城姿藤蔓復繚繞弱根羣  
媚之榮枯類朝槿點染煩畫師秋霜寒可憐珍重  
春華時

老柏挺左右蒼髯古仙真子落罪異香盤腹殊輪  
囷其生始何年放眼多閱人長官亦過客來者常  
如新呼僮芟繁枝將以充爨薪便許梁棟材當用  
繩尺循

瘦石列池上瓦礫相參差枳棘與荒穢縱橫皆不  
泊我來急位置傾仆先扶持通泉傍引水闌干隨

遷迤新栽白藕花香起浮庭墀當堦若片玉雨後  
濃青滋

高枝棲小鳥厥名曰翡翠羽毛燦文章比諸鳳凰  
瑞初生田野間黃雀共遊戲自炫而依人人因以  
爲利裝成金爵釵搔頭蝴蝶翅老鴉巢樹顛守黑  
眾所棄

朝讀百篇書暮見七十士周公尙求賢勤學又如  
此豈謂世不同高者矜名位延引等藝術隱文且  
晦義草澤多龍蛇飛騰颯然起否泰天地心消長

視君子

客有以外洋染鬚藥贈者卻而謝之

今人作事苦作僞便云草木回天工矯揉造此染  
鬚藥強以媚物加詩翁我將六旬頭漸白對鏡愁  
深面黧黑扶衰難覓紫金丹拂拭鬚髮半如雪良  
朋遠貽玻璃罌腹中貯水搖有聲爲言滌去舊污  
垢斯須黑色疑生成一日之間忽年少比若返魂  
香更妙轉思毋乃太欺心豈肯男兒求飾貌況復  
苦吟常撚髭短長高下多參差聽其自然亦殊可

玉容相言錄  
志  
從而塗抹誰不知且覆兩唇涎恐溢肺腑浸滌必  
增疾洗空秋水眼無塵流注膠凝曾似漆吁嗟乎  
學道羞稱海上方老夫老矣狂夫狂神仙久駐蓬  
萊島試看麻姑鬢已霜

雜詠六首

豈必興亡在女兒吳宮差勝浣紗時西施那及東  
施好嫁得鄰家老不知

歌舞虞兮泣數行當年衣繡說還鄉英雄蓋世多  
情種我欲黃金鑄項王

拭面初驚貌絕倫  
蓋棺披髮又何人  
子桓地下如相見  
不及陳思賦感甄

胭脂井上血痕污  
叔寶癡魂夢有無  
可笑高洋非俊物  
佳人空自泣頭顱

落葉哀蟬意最傷  
文螺強自酌洪梁  
夫人未必心如石  
先贈蘅蕪一段香

蟻鬪紛紜信偶然  
敗人家國總由天  
橫陳玉體干何事  
竟把齊亡怨小憐

陳圓圓墓或云在商山寺或云在曇花庵

遍跡之皆無也廢然而作

叢山何處弔香魂問佛無言夕照昏老樹皮空穿

萬蟻疎籬心破放孤豚曾聞斧鉞誅奸魄浪說池

臺贖粉痕

相傳海心亭為妝臺遺址

我欲長吟愁下筆一篇新

曲有梅邨

地指曇花亦廢菴傳將野語信疑參愁中家國懸

雙淚劫後蠻荒贖一龕亂草無碑誰姓氏新秋過

雨有雲嵐窮泉骨朽應思痛兒女英雄兩不堪

鸚鵡飛去感賦十六韻

良朋笑贈青鸚鵡入室珍同白鳳凰  
翦舌最憐新學語畱心初試漫焚香  
來時斜倚金籠小隔歲微看翠帶長  
見客開簾知喚茗侵晨窺鏡欲催妝  
狸奴鼾睡先登榻燕子呢喃共處堂  
擬仿畫眉招伴侶從誰療妒作羹湯  
拋殘紅豆分餘粒隱約朱門閉後房  
前不敢言今若此能教飛去遠何妨  
一朝寂寞空墻草半角低迷淡夕陽  
春暖可偕鶯宛轉秋高應逐雁翱翔  
真如銜石填滄海莫更隨風覓稻梁  
域外重遊八千里舟中難問十三娘  
羽毛豐



三  
公  
木  
言  
金  
三  
滿條堪撻背面闌干淚自傷倘解吟詩遲落筆愁  
因瘦沈便呼耶聰明太過翻成誤依戀猶深或寄  
將獨立閒庭思舊夢水鷗紗帽對相忘

苦蚤戲占四首

黑甜鄉裏雨聲中剝近牀膚太惱公輾轉無眠將  
盡夜么麼如許可憐蟲搔爬疥癬真同病呼吸膏  
脂計已窮頃刻毫釐千里勢拈來妙手忽空空  
禪閒蟻蝨愧同儔捷徑先登竟自由顧我暗中頻  
摸索隨人皮裏慣陽秋吹毛已見疵難掩食肉能

飛相不候記得昌黎傳妙語無端撼樹爾蚍蜉  
主客何分上下牀親疎曾不異炎涼臙臙臥榻容  
鼯睡孤負重衾洩暗香鑽穴但愁無孔入知機亦  
解善刀藏勞形我已空皮骨敢羨麻姑指爪長  
聲跡全銷苦費猜壯夫小技總堪哀身如點漆曾  
無字尾似莽蜂毒有胎空外須彌還是芥熱中蚊  
市便成雷古今多少沙蟲劫埽蕩應求撥亂才

哭問梅兄四首

看書未畢心如醉痛極翻無淚可揮兄弟四人今

我獨鄉關萬里幾時歸家猶多故名何用夜總遲  
眠夢亦稀秋雨秋風聽不得一聲嘹唳斷鴻飛

當年戊戌與君別屈指而今又戊寅四十流光竟  
飄忽萬千作計總酸辛初聞杖履行猶健豈料膏

肓病已真常熟吳江遺愛在定知巷哭有殘民

兄幸

吳江常熟等邑值兵燹後減賦稅撫  
流亡設書院多善政至今稱頌弗衰

回頭少小情猶昨五歲蝸髻上學初緩步同遊巴

嶽寺中鋒教作柳公書同眠大被知寒暖細校陳  
編問魯魚往事尋思成一慟九泉念及又何如

年來我亦垂垂老兩目全昏事健忘六世相傳皆

上壽

吾宗自順治初至咸豐未凡六傳皆臻上壽

七棺未葬倍堪傷

兄

嫂陳夫人吉齋仲兄榕原配薛夫人副室曾淑人樸齋季弟弟婦張夫人皆未葬

便尋簞

笠拌投絨擬傍松楸學種桑太息餘生足憂患風

波無定海天長

### 夜吟五首

鄰家讕語似朦朧斗室長檠一穗紅木葉漸稀秋  
過半胡牀斜倚夜方中堪悲蚯蚓能安翅聞道鷄  
鷓尙避風不待鐘鳴先自醒催人雞唱莫怱怱

學步蹣跚力漸衰

時足疾初愈

敢思捷徑上強臺縱橫

計失旁妻笑冰炭情多下客來不語寒蟬同我嬾

無名野菊有花開平心便欲談因果乳色盲兒問

一回

白衣蒼狗總浮雲漆愧朱慚萬象紛閒日擬修南

詔史

鳴升九大令以所鈔楊用修南詔野史見贈擬為勘誤

舊遊曾寄北山

文蟻肝蝨腦看些子隼尾蠶頭仿八分

朋輩多不索分書

必郵亭逢醉尉飛將軍是故將軍

滄海橫流未有涯露車安得好為家命官無奈臨

磨蝎生計何妨學賣瓜且喜人情歡燕雀誰云吾  
道似龍蛇祥金自語疑飛躍大冶原難鑄莫邪

炷冷銅盤漏已沈間搔短髮不勝簪飢鴻自苦銜

蘆口老驥長甘伏櫪心文字棄餘如涕唾

時刪舊作古文

秋懷無病祇呻吟寥寥古意憑誰解細雨聲中膝  
上琴

醉讀李太白詩感而作歌

祿不得食萬鍾位不得加三公學書學劍非英雄  
眼前萬事如秋蓬我不知太白筆下爲何詩亦不

知太白杯中飲何酒但喜其浩浩落落離離奇奇  
無不有或云事遊俠或云曾學仙我知其意殊不  
然既不能手揮九劍清八極且吐錦繡生雲煙抱  
琴日對糟牀眠前乎公者爲靈均眾人皆醉我獨  
醒何妨眾人皆醒公獨醉手欲攀天天恐墜問天  
天無言我云天可笑十二萬年上下一疑團是誰  
多事紛紛鑿開渾沌竅五帝三王易名號吁嗟乎  
巢由往矣伊周不生神龍潛伏魑魅晝行使公生  
於今之世兮必將悲歌慷慨流涕縱橫先生已千

古吾生又一時安得待公飲酒從公學詩海波洋  
洋今何之白日淡淡長風吹出門大笑知者誰

秋夜讀王介甫集二首

餘熱已盡蠲清風來夜深庭樹影在地恍遊松桂  
林榮利久淡忘俗慮猶侵尋願言謝塵鞅證此无  
垢心間居淨几席短燭隨低吟玉蟾挂長空浩然  
披素襟

我室復何有縱橫牽白魚殘編事補綴牙慧羞拾  
餘荆公天下才文筆凌古初詩亦絕依傍堅城鐵



三才  
三  
不如惜哉學未純兼以治術疎遂貽蒼生誤莫能  
新法除舉朝成水火避位甘樵漁一分寬受福羣  
賢當思諸今人較疇昔斯言誠非虛民禍嗟尙烈  
太息空躊躇

閱亡友甘棠牧廣文生香閣詩稿慨然題

此有序

君名丙昌鄰水人少負不羈才詩積數千首  
頗傷於繁而獨到處迴出尋常蹊徑與余初  
識於閩中王藕船明經座中又十年官太平

縣教官得重遇於綏定府無何逆賊藍大順  
犯太平城陷被執且挾之去後不知死所其

詩爲顧霽厓司馬

宗燿

所刊是能篤友誼者

初聞君死痛詩亡喜見遺編友善藏才出過人偏  
折福骨埋何處不還鄉論交共笑嵇康癩對酒猶  
憐杜牧狂地下精魂如再世應多奇句弔沙場

史事毫芒儘力搜天荒鑿破定千秋記曾雨夜聽  
絃管倦借書函作枕頭五十年光因客老一雙淚  
眼替花愁當時亦有商量語魑魅文章竟爾休

綏定

將別時擬訂  
其全稿未果

大觀樓感舊二首

南來海色見澄清聞說蓮華頂上行

滇池水與山  
華山頂齊

托雲光皴淡墨雨含秋氣出高城  
離蹤又似青萍合往事迴看白髮生  
難得閒中收野趣沙邊紅蓼夕陽明

欲上層樓思渺茫尊前誰與話滄桑  
頽垣歷亂新題字劫火凋殘舊戰場  
久客慣聽蠻部語清遊重泛野人航  
不知倦眼開何日祇好曹騰付醉鄉

雜興四首

帽影欹斜笑白頭  
茲鄉強作一年留  
芙蓉如面嬌臨水  
蟋蟀何心苦怨秋  
飛絮原多茵潤感  
還山那計稻梁謀  
高城日暮清笳咽  
慘淡危旌映戍樓

初來爽氣試征騑  
結束當年短後衣  
貧女羞隨長袖舞  
癯仙應笑食言肥  
雲羅薄處銀河淡  
霜信濃時錦字稀  
卻憶巢邊新燕子  
西風將送爾何依  
欲撥閒愁斬亂絲  
貪嗔去後尙餘癡  
如何痛棒當頭處  
不是懸崖撒手時  
冷熱將同執扇棄  
恩仇莫

遺革囊知空庭悄立無人語聽得蟬聲在別枝  
一醉無名強自寬唾壺擊碎倚闌干能翻鐵案終  
誰錯久借冰山亦恐寒海市樓臺紛幻境黨人門  
戶要旁觀囊中蘇合嗟空佩且任蜨螂妙轉丸

光緒己卯

登鳴鳳山觀銅瓦殿二首

層崖千級榜天門

山勢險峻榜爲頭二三天門云

戰壘蕭條此僅

存日映山茶紅錦段

寺後山茶花高丈餘

風搖野草黑灰痕

銀灣俯視滇池闊銅柱高標漢殿尊

殿前銅柱上懸銅旗闌

寺題名疆吏右

明萬曆時太監楊榮雲南巡撫陳用賓同造

當時朝局

豈堪論

世路凌兢可自由眼前萬事一浮漚人非小劫難成佛春尙餘寒轉似秋把酒正思元亮宅籌邊應築贊皇樓未能忘卻漁樵侶欲步晴沙問白鷗

酬黃笛樓太守見贈之作三首

名炳堃新會人

久晴乍雨風微涼有客閉門日枯坐拋書初熟黑甜鄉送到詩筒忽驚座老夫眼花墮塵網入手明珠愁盡破文章壽世同列星左旋推轉天如磨君

集自題希古堂肯掇殘膏拾餘唾玉淵泉出流雅  
音白雪調高苦難和霜蹄在昔嗟暫蹶埽開卻似  
浮雲過翻然躡足登重霄培壤積爲泰山大我捫  
腹笥慚空疎傲帚千金偶傳播不妨相賞復相規  
一字推敲人兩箇

六瑩道援皆可傳獨漉堂集尤卓然風雲色壯海  
波立下視溪谷流涓涓芷灣先生才通變晚出是  
爲後軍殿縱橫奇筆似奇兵善守不如其善戰繼  
而崛起南山翁聽松廬稿清且雄三十年前已快

讀真氣貫注矻盲聾君昔入門受衣鉢問誰羅漢  
誰菩薩似匙勘鑰聖印塗同類同聲機活潑或仙  
或佛俱未知人力所造天成之得名非盡嶺南學  
我豈徒摹浙派詩

一別三年行萬里聞道重來迎倒屣

時自粵東回滇

世途

夷險姑毋論彼此蕭蕭髮垂耳流光電轉去飛矢  
腰腳猶前亦堪喜今日纔知昨日非有書不讀將  
老矣高吟疊出已奇峭妙入畫圖煙霞裏  
時爲予作山水  
畫墨痕淡抹溼雲拖襄陽房山差可擬局促久爲



南徼遊何如歸飲西湖水君方飽啖荔枝香我正  
相思蕪菜美

八月十二夜升竹珊方伯泰招同李祿生

廉訪德莪翁儀丞觀察道鴻集熊氏園醉

中郎事二首簡方伯

桂雪花團正滿枝荷衣風碎漸離披來看襟上杭

州酒方伯自浙桌擢旗藩卻近秋中明月時斟酌細參香色

味清娛同賞畫書詩他年故實憑誰記學得山公

醉習池

十千那得餘杭兌三百青銅近亦無  
主客自成眞率會園亭畱作夜遊圖  
何妨斂手看棋局最好題名署酒徒  
萬事莫教稱獨醒糟牀原不礙冰壺

客言四首

客言風雨朝寒侵三春不聞秋已深

己卯閏三月

單衣

袂衣稱身著長篇短篇隨口吟時賢所窺具隻眼  
我年將老猶童心握手一笑聊共慰滿頭叢菊堆  
黃金

客言襟懷須灑落九州之外供臥遊忽地相逢話

近事古人不作增吾憂窮探利孔漁竭澤冷觀名  
場冠沐猴間中捧腹呼負負何時散髮歸林邱  
客言讀史不足信陋儒箋釋紛魚蟲破釜沈舟彼  
深計徙薪曲突誰爲功民心收拾養國脈匠手雕  
鏤矜鬼工腹堅癥瘕五體憊雷潛陰壑羣疑蒙  
客言方終四座起微陽欲迫歸崦嵫炎涼頃刻秋  
尙爾閻摩變相人未知巴蛇吞象狡兔脫翰音登  
天鳴鶴悲熒熒太白光照午蒼蒼奈何岷蚩蚩

檄權迤南道篆請辭不許感賦二首

進已無能退亦難如何尙說好爲官愁生白髮三

千丈險似洪流十八灘道經元江把邊江布固江皆奇險處夜半狐

鳴防草澤近邊夷酋率眾互鬪人間蟻聚等槐安不平休說

心中事棋子將收又一彈

漫天落葉亂啼烏聞說炎陬草未枯八百荒夷名

媳婦元大德元年八月甲子八百媳婦叛寇徹里按入百媳婦在今普洱府邊外如孟良整欠

孟勇大孟養一帶十三版納附輿圖十三土司於順治內附稱

皆是今屬緬甸國十三版納以其入版圖而納賦也如普藤猛旺

日十三版納以其入版圖而納賦也如普藤猛旺整董猛鳥烏得六順倚邦易武猛臘橄欖壩猛遮

猛阿猛籠等皆授以初分東道先爲主乾隆三十

土干總土把總等職初分東道先爲主乾隆三十

東道所轄十三府稽查難周添設迤南兵備道駐普洱府城欲乞南車借問途南掌國將入貢秋老邊城人獨往儘教霜雪上吟鬚

得鍾雨辰庶子

駿聲

京邸書卻寄二首

時君門人黃吉裳編修主試雲南以書見寄並惠陳思王墓碑兩浙科名錄杭紗一端

先聞庶子擅春華忽枉書來付使槎累我浮名蛇

畫足驅人奇境虎磨牙間吟舊句看團扇

庚午冬見贈詩

四首書

爲惜餘炎贈薄紗鄭重陪碑臨古字禿毫

昏眼竟塗鴉

慰念情深快洗愁科名

當代盛杭州五雲多處神山路八月寒時洱水秋  
何日入林同把臂問天無語自搔頭相思更苦長  
安遠雁字橫空獨倚樓

集龍泉觀歸途口占二首

卽黑龍潭

初收雨氣快時晴一角東山曉翠橫高閣微看雲  
裊裊涼風如送客行行鴉翻巢墮枝將折龍抱珠  
眠浪不驚滿目郊原秋色裏垂楊低咽暮蟬聲  
人云老柏宋唐時苔蘚如鱗綠滿皮路角深潭愁

度馬牆心斷碣尙餘龜聲傳遠笛尊前醉信問寒

梅別後思

觀中唐梅尙存

笑我枕中書未讀浮游何處覓

靈芝

石虎關示送者

關在雲南省城外十里許

十年前戰壘依舊見青山去矣籌邊事

時赴道南道任因

之愴別顏雲鴻飛作字石虎老生斑候吏歡相告

春風待我還

自小板橋至呈貢縣

泉聲迴洞壑霜氣撲弓彊滿路飛殘葉行人問板

橋馬頭風力緊城腳土痕焦舊事渾難記秋空望  
次參

打魚邨屬呈貢縣

黃茅矮屋傍山隈午後晴煙一縷開秋氣已深儂  
漸老蘆花飛上鬢邊來

茅店題壁

茅檐缺處補籬笆石角鉤衣徑窄斜當道何人心  
力苦祇栽荆棘不栽花

次習我縣喜晤馬健侯明府晉錡



二水中分萬仞山故人相對一開顏晴來暖氣如  
三月老去雄心愧百蠻瘠土早知民力竭空林漸  
喜鳥聲還涼秋淺草猶生意犢駕新犁戰馬間

老魯關

屬魯  
我縣

飛瀑散珠玉入關秋氣橫人隨歸鳥去石借亂雲  
撐短柳腰圍瘦重茅掌樣平  
民居茅屋加土於上其平如掌斜陽  
黃半角流照遠山晴

宿羊毛冲野人家

屬新  
平縣

牛宮割半許停驂飲水猶防食不甘

其地瘠甚不敢食肉僻

路橫行疑作蟹勞人僵臥懶如蠶無名媚藥花殷

紫

俗稱低頭草  
夷婦常佩之

有瘴遙峯色翠藍卻愛沙邊黃竹

子依稀風景似江南

揚武壩曉行

屬新平縣

萬綠長陰森經年絕樵斧木魅告行人我生從太

古朝露溼征衫疑是夜來雨

石門限絕頂

屬新平縣

盤盤復盤盤人行如轉磨鬼斧劈為門天驚石初

破我馬在山腰形似蜂兒大我僕在馬背細如蠅

一箇山斷雲復連雲起山仍臥風來吹水腥有虎  
林邊過漸看日影低且尋草間坐出險謝山靈神  
奇警吾情

相見坡示同行者 屬元江州

野屋結團焦秋聲走怒飈一天無過雁十月有鳴  
蜩戍卒衣披絮蠻兒果啖蕉 夷狝喜啖蕉實坡前喜相見  
相見說無聊

青龍殿晚眺 屬元江州

垂楊流水灣復灣水流盡處見青山青山為主我

爲客白雲無心相對閒

早行甘莊邨煙瘴最毒熱如盛暑二十里

至二塘始有涼意

屬元江州

瘴起林昏慘不舒清涼喘息午風徐山形怪肖牛  
毛密民氣生從虎口餘荒店無炊歆冷竈異聞多

記注新書

時方輯瓜盧蔓說

老夫又作逢場戲優孟衣冠

可似初

元江官吏候於道左

元江雜詩四首

忽忽將千里漫漫尙一涯鐘殘催客起月落帶星

斜巧婦偏名鳥

巧婦鳥名

靈仙竟著花

靈仙花名

山腰聞犬

吠疑是有人家

瘴偏呼美女

瘴五色如虹土人呼為美女瘴

即此悟禪機霜重白

如鏡樹深青染衣空場馳馬過破屋暗蟲飛不敢

貪泉飲夷齊或是非

自甘莊至州城行人不敢飲水

十八邨人聚叢居共爨夷雙鑲銀貫耳半臂犬為

皮指畫分田隴肩樵避路岐

夷人種穀兩度畫地不侵負薪者遇長官

於途旁趨而避

忽驚溪水赤婦洗出胎兒

水搖夷生子立就溪流洗之

奉化州先廢羅槃部更荒

元江於元為羅槃部於明為奉化州廢址猶存

孤城懸釜底九折繞羊腸圖牒搜殘志炎風變夕

涼冤臣遺塚在燐火照前岡

同治甲子叛將舒世泰破州城署牧沈保

恆被戕其二女先自經死遺塚在熱水塘

### 元江早發

長橋沒向亂流中粉堞斜傾合望空路轉微平沙

線白霞開如繡日輪紅誰知毒物生甘蔗

地產甘蔗食之

者怪絕荒夷號苦蔥

種人名苦蔥元江極多

何處亭亭青玉

立檳榔花樹燦西東

茅庵塘

屬元江州

絕澗不知處惟聞風水聲逢人多菜色遇毒有花  
名馬前草花淺碧記里從無鼓登山又見城如何  
可玩入腹卽死  
長設險客尙帶刀行

莫浪坡歌

屬元江州

行人莫上莫浪坡行人聽我莫浪歌我歌聲酸聽  
不得昨日元江州裏客客眠不安還起早出城便  
覺微涼好夾路飛飛葉半黃流光冉冉吾將老南  
來所至山復山恆河沙數青孱顏有名無名若飛  
動千丈萬丈相躋攀初聞莫浪坡元江在其下樹

頭臬啄鳥溝中狼食馬再看莫浪坡元江居其東  
坡前片雲黑坡後斜陽紅纍纍崩石盤珠走簇簇  
蠻奴奇鬼醜一齊收作畫圖看頃刻寒生風雨陡  
吁嗟乎行人不行行復愁三間茅屋今夕留寄言  
萬里應官者莫向元江莫浪遊

宿背陰山

屬元江州又稱白鷹山

蠻雲紅紫亂山青欲寫奇荒恐不經絕似文章開  
奧窔長愁造化祕精靈晝聞鬼語人將魘  
山中人多疫死  
崖滴蛟涎水亦腥我有新詩無可說宵來談與野



狐聽

下背陰山

雞鳴眾未起天光明一隙石稜森開張尺寸攢戈  
戟曉風吹霧散微露遠山脊蠻人雜馬牛何由分  
主客前林聲蕭蕭木葉飛殘碧頃刻現銀臺雲生  
下方白

旬索投野寺宿

屬元江州

途人笑我已蒼顏自檢奚囊興未刪最是有詩難  
畫處夕陽楓葉淡黃山

低眉努目兩俱忘  
說法猶存舌廣長  
千里郵程一  
鐙夜行蹤好與佛商量

瞻魯坪三首

屬他  
郎廳

他郎萬峯底官廨茲  
少留初冬氣大暖野桃花云  
稠窮鄉誰共語景物皆生愁  
城邊家種竹翠影濃  
欲流向夕作涼颺晚嵐山半浮  
主人爲開尊謂他郎尹

通守元亮禮恭情綢繆園蔬得味真  
美鯖嗤五侯且言

瞻魯坪毒泉今已收  
引水十里遙茶可煎一甌坪有

啞泉尹君封禁之另  
自山引水以飲居人

頽山形覆甕泉乳穿其腹亂石列如星長與水相  
觸風激聲喧兀隨流頽起伏聞者已心怖過者愁  
立足上窺日無色身疑墮幽谷旁居或有邨問徑  
苦不熟病柏交枯枿頽影炫我目使君尙云難更  
況行人獨

少年用志紛事以輕心掉發奮思爲雄多故生膠  
擾中歲期立名昂藏出意表投筆定遠侯許身杜  
陵老詎知雜梟鸞黑白使顛倒皇天鑒微忱隱憂  
愠羣小誓將拂衣去落落寫懷抱秋風憶蒹蘆冬

烘因頭腦官符迫王程驅我南荒道塵面復霜鬚  
羞云顏色好

布固江鐵索橋歌

屬他  
郎廳

布固江中橫鐵橋行人過此心旌搖百四十步卅  
六丈兩山對繫長虹腰老翁告我色相戒工程艱  
鉅非崇朝督我採鐵七百里高低貫索三十條東  
西迴闌下覆板首尾樹柵扇堅牢馬蹄蹴踏平地  
穩鼉身蟠螭浮梁高雲南地屬益州郡武侯南征  
行不毛蜀中瀘定足千古英雄已矣空浪淘

瀘定  
鐵索

橋在四川甯遠府屬我今備兵亦偶耳敢云忠信輕波濤北

風吹衣漸凜冽南掌接壤通迢遙吁嗟乎疎林過

雨聲瀟瀟如泉歸思流滔滔把邊江上明朝渡不

見長橋見小舸

把邊江擬修鐵索橋未果

孔雀屏山

屬甯洱縣

南來烏鵲送餘音老鶴難忘萬里心到眼文章皆

五色方知孔雀是家禽

宿上把邊江

屬甯洱縣

風波不可渡南下水如湯直入無人境原來古大

荒遙邨千樹黑斜月半輪黃肯信愁難割山山立  
劍鉞

寄懷李少東學使 岷琛 卽送秩滿還朝二

首

滿引瓊卮笑遠遊荒寒不見驛邊樓一官老作蠻  
夷長萬里如歌勅勒秋故舊相思懷錦水昆明卻  
望似并州記曾抵掌論全局忘數嚴更報幾籌

兩家三世有因緣往事怱怱五十年 命祖著堂先生與先公

同官安居尊甫東生先生與余爲同 譜總角交今學使與余同官雲南 地幸逢君眞

紫氣翁如問我已華顛

時將乞假旋蜀省親

士關國脈宜培

養詩雜僊心解妙詮寄語星軺應更喜長安花滿

正朝天

迴龍寺

距普濟府城十里

不知山遠近不辨林疎密穿樹始見山寺在山尖

立城中炊午煙市上人如漆

種人名麻黑皆醜劣可憎到此忽

放眼芥蒂胸全失三層閣憑虛雲氣通呼吸嗟哉

瓦礫場幸畱方丈室寂寞花無名澗洄泉可汲厨

開野菜香窗掩飢鳥集出門望前峯牛羊類蟻蝨

農夫荷鋤歸斜陽紅滿笠

依稀四首

有引

病起養間老懷無俚舊游往事似夢如塵賦  
成四韻四章非記一時一事作者見者是耶  
非耶

依稀何事尙難忘曾過君家舊草堂  
雨後喧闐蛙鼓吹風前飛舞蝶衣裳  
紅塵隔斷如仙界綠鬢重看滿鏡霜  
記否中宵無片語一簾花影半肩涼  
春江輕棹碧如油瞬息年華又感秋  
定有前緣如



省識堪憐嬌小不知愁時因多病親量藥夜惜餘  
香坐近篝三十年前泡幻影此情追憶此生休  
桂堂東壁粉圖開履迹重尋又廢猜掃榻無眠扶  
我醉迴廊輕步問誰來如何搯腕傷心事總是驚  
奇絕豔才再訴東皇無可說落花紅雨淚成堆  
填胸壘塊倩誰平腸斷高樓聽玉笙富貴百年原  
是夢英雄兩字忍無情長歌當哭人將老大願難  
償佛再生五色迷離千手眼此時最好不分明

沈墨衣道人珩山居對雪圖

墨衣道人工潑墨墨暈鋪成千尺雪茅屋無煙晝  
閉門冰花著樹堅如鐵北風一夜催寒信飛鴉落  
葉圍成陣排雲忽訝玉妃來微絲點入衰翁鬢墨  
衣道人工作詩詩情畫意無不宜眼中所見腕底  
出山容水色皆淋漓我愛君詩兼學畫平常筆墨  
如還債年年六月苦炎蒸便欲攜來北窗挂

曉起聞笛憶舊成吟二首

孤眠驚夢醒醒後知何處隱隱笛飛聲明明窗送  
曙忽似在高樓東風晚吹絮迴憶少年時送人從

此去

千林盡脫葉朔吹從空來我行入大荒何用登高  
臺客心淒以緊角響清而哀兒童笑相語牆外梅  
花開

玉笙樓詩錄卷九終

玉笙樓詩錄卷十

海昌 沈壽榕 意文

光緒庚辰

元日書懷六首

僻陋真同蝨處禪誰云無佛便稱尊  
筍穿籬下先爭長蕉護窗前欲盡髡  
未斷殘鐘遲曉漏初看扶木上朝  
曦東郊已見田家樂水面新秧一寸根

遙指飛鷺感毒淫九龍江外瘴煙深  
奇文刺眼疑

蝌蚪

土司編字稟不可識

重譯聱牙苦駛音

荒夷莽子凶悍好關不識字凡

有諭告以漢字譯緬文又以緬文譯莽字即重譯也言語亦然  
 西洱河沙塞民田  
 余依故道疏濬之  
 南山白額嘯荒林  
 威遠山多虎患求獵夫不得  
 眼前利害關民事成敗難知且用心

懶漫何嫌學解嘲燕來如客定新巢常憂滿注傾

欹器土官虐用其民再立邊威似折膠舊例仲冬遣官軍巡

邊次年二月撤回此學佛自應無我相竹珊方伯以石刻董

事久廢余復行之書金剛祝尸權又代人庖石子高觀察養疾余承其乏閒中彌

望前邨雪白柰花開盡上梢

不息雙輪類轉帆晴烘迫欲試春衫諸蠻向背如

毛附

土司有歸縵國兼屬者

積牘縱橫似草芟徑闢羊腸艱

千予

自曾我至普洱府八百餘里道皆艱險已飭屬修治平坦

人同鬼面詫隘

儻

種人布都布孔皆形醜如鬼

羣呼打野忘芻豆念爾鋒稜骨

不凡

民間養馬於郊日打野

此地原非作久淹依然刻畫到無鹽

石膏磨黑雨井每以鹽事

搆

人思賣劍與情古市不吹簫米價廉鸚鵡鳥多

調嫩舌

鸚鵡稱者尤慧

倚邦茶好試新尖

茶以倚邦山產為佳

千紅

萬紫都辛苦世味須知黑最甜

冬山睡起淨雲霾相對無言暢好懷入室微馨放

蘭箭盈尊薄味笑茅柴

普酒酒不堪飲

時非炎夏頗揮扇

風動長松又落釵鎖日焚香深閉閣老夫原與俗  
情乖

### 普陽春興四首

山容水色互蒼茫更乞春陰上綠章暖日兼旬疑  
早夏曉風吹雨忽微涼紛華念少眠無夢應答書  
多久漸忘笑語兒童紙鳶戲空中著力要繩長  
轉逐烏輪又指南官如傳舍偶停驂連雲野燒迷  
紅紫極塞平蕪接蔚藍草正抽心將媚蜨桑初破

眼未宜蠶巖泉一滴清無滓不敢先嘗恐或貪外城

滴水巖泉  
味最清

峻坂應憐我馬瘠繡衣金勒又泥塗灰心肯屑營  
芻豆買骨終羞入畫圖黃犢初生誇日健蒼鷹側  
勢向風呼尋常破壁能飛去識得神龍爪甲無

鈍似鉛刀敢試鋒禍須拔本歎無從當年盜竟開

門揖普洱府城被陷民死甚眾此地人誰比戶封不薦溪毛忘

社祭昭忠節孝兩祠均燬猶聞鬼哭近邊鋒戍邊士卒多病瘴死殘黎

生死俱無託萬事難言一撫膺



雨後出郊治東西洱河水利卽事四首

春來初見雨春色已盈郊  
淡白浮沙浪長青放竹  
梢風斜橫掠燕洞古暗藏蛟  
牧豎還家晚柴門已  
再敲

遙指前峰景煙光倏有無  
泥融深屐齒蜂過折花  
鬚短樹疑人立危橋借杖扶  
迴旋聲影動泛泛水  
中覺

漫令山如洗

漫令山爲洱河發源處

晴虹不斷流邊城聞畫

角活水問源頭草淺初調馬  
犁新試駕牛東皋與

南畝農事要綱繆

良法偏忘古今同創始難趨公民力盡隨分我心  
安鬱鬱桑麻長欣欣婦子歡溪翁相對語來作畫  
中看

治三汊河水利過迴龍寺小憩歸途口號  
四首

初來不知處萬緣護長林野筍肥如臂寒潭印此  
心馬蹄驚虎跡樵唱雜蠻音卽此成幽賞入山猶  
未深

梵宇連邨舍兒童識使君非煙疑作雨變瘴忽為  
雲老樹移花著濃香借佛薰最難奇突處山水會  
平分

民生原有計民病更堪傷沙比恆河數人登彼岸

航河通沙去近可行舟井田如劃地條水乍抽秧豚酒家家

足還應祝歲穰

似我原如客羣情乞再留

治河畢擬請解任士民先事乞留

民風

真古道春日飢間愁勇退翻遲悔雄邊抵壯遊江

湖天地闊歸思正悠悠

野望二首

隔城聞水聲不知何處田濛濛朝來雨薄午猶生  
煙羣峰下而俯一壑中乃穿郊垆盡荒落茅屋今  
幾椽民俗殊可詫兒病門外眠云見天與日勿藥  
當自痊蠢爾若裸蟲將墜於深淵疾苦有如此能  
無心惻然

野夫來我前自云能作歌引古皆附會轉音尤差  
訛始知邊土瘠久傷徭役多方春扶耒耜聞警持  
干戈一官忝教養長日空蹉跎終歲飽肉食不種

田閒禾四體被紈綺不勞機上梭山氓處危崖架  
木同鳥窠水夷近溪岸浮沈隨鴨鵝以我對斯民  
我慚將如何

殺虎行

有序

自普洱府至所屬之威遠廳城凡四百餘里  
經過之西薩鐵廠河高橋河猛迺暖里課里  
皆崇山林立虎患且十年其傷害可計者凡  
二百五十四人民畏如神官不過問此路遂  
絕榕來權迤南道篆念是惕然乃檄署威遠

同知顧君宗燧偕署威遠參將顏君雲芳選  
兵練招獵夫樹柵設弩圍捕之正月二十九  
日代辦土千總刀丕文獲一虎一豹來獻作  
殺虎行一篇示官吏

威遠有山威遠有虎威遠有民威遠有弩一解虎從

何來白晝聞雷行路已絕百草霜摧二解我權兵備

三月於茲我政不苛爾敢如斯波羅兮波羅南詔時謂

虎曰滅爾應有時三解檄諸守吏誓除此害告汝獵

夫放膽須大四解設弩未及旬日期爾虎一豹潛來

三  
二  
一  
窺一虎負箭奔隔嶺聞悲嘶一虎一豹血淋漓

解五

三百里來獻虎天大風日當午我坐堂皇椎大鼓

此時殺虎如磔鼠俛兮有知吾語汝威遠雖邊疆

當今

皇帝土汝敢肆爪牙汝不畏刀斧汝殺我民我殺

汝非我之殘汝自取

解六

吁嗟乎虎負蝟屍橫谷虎

有口人無肉虎無聲民有福我欲還家抱黃犢

解七

雙虎歌

有引

二月初二日刀丕文於西薩山中捕得白額

虎二雌壯雄雛若母子狀遣武生張爾泰昇  
至普觀者接踵因作是歌

先誅一虎兼一豹健兒擒虎如擒盜百里喧傳兩  
虎來不聞虎齧聞人笑笑虎兮虎可悲危機密網  
將何之悲虎兮虎太癡豈有人脯充爾飢前山兮  
後山兩虎狼狽於其間有路兮無路兩虎咆哮不  
知處人云山有虎神廟我已爲文向神告神如愛  
虎不愛民我火其居毀其貌神之靈感竟如此虎  
伏其辜垂兩耳一發而中疊必雙不入穴中焉得



子斯時殺虎如解牛既剖其腹臬其頭畫之不成  
亦類狗檻車縛繫形如囚吁嗟乎斬將功成應報  
捷麋鹿閒游走林樾兩虎雖亡百獸生老夫未忍  
焚山獵

後殺虎歌 有引

二月初五日外委顧叔達於威遠之猛乃山  
中見一虎擊一槍而逸率卒二十人追之虎  
回視作攫人狀發弩一銃二乃殪虎白額顧  
骨隆起額上黑文兩王字亦足奇也同時探

穴中得乳虎二若么豚烹食之矣

前虎之革流血丹夜聞虎魄啼聲酸五更起視霧  
四塞落月隱隱雲漫漫昨日兩虎來觀者門如市  
今日一虎來擒時猶未死虎行三里回搏人被創  
屹立驚爲神虎鬚可拔虎尾秃盲風吹路迷黃塵  
淺草茸茸遺兩乳長可尺餘目無覩老兵飲酒酒  
半酣生醢爲羹熟爲脯我聞初生之犢氣食牛壯  
哉白額非凡儔此而不滅仍復畱養虎之患何時  
休旁觀咄咄稱怪事頂上隆然兩王字人云此害

將十年誰向窮山輕一試我告獵夫汝且去莫更  
守株空望兔丈夫豈爲婦寺仁吾

皇至德生麒麟

野人獻虎歌

有引

二月十三日威遠民危明富王三於暖里山  
中得虎一來獻歌述其事

褫襪兩野人危哉居虎口無食並無兒畏尾尤畏  
首何圖聯袂起雙雙好身手短衣不掩髀放膽大  
如斗朝朝挾弓矢徑括逋逃藪虎作失羣狼形同

喪家狗野人來告我虎食人某某屍僵牙鬚雄風  
來似聞吼吁嗟乎將軍射虎老不候我無縛雞人  
所羞何如結茅歸臥南山頭

裸夷獻虎歌

有引

二月十九日威遠習環鄉裸夷魯天友家虎  
食犢天友集村人圍殺之昇以來獻口占此  
歌

深山裸夷與獸羣爲人爲獸殊不分被髮過耳雙  
足赤一朝縛虎如風雲其言難了了審聽猶云云

跪呈頭與足細檢骨與筋令起試作打虎狀忽立  
階前忽堂上迴旋左右突超距攘臂昂頭瞪相向  
我呼裸前爲裸告賚爾白金爲爾勞得虎一余捐俸三十兩賞  
之爾爲良民莫爲盜不然犯法爲虎笑

虎枕虎杯歌

有引

得虎多矣以皮骨分餉同人自取大虎頭二  
爲枕小虎頂二爲飲器合作此歌

人生上壽只百年安得人人盡如此此中強半寢  
與食可惜恩恩老病死我無他嗜耽醕酒一石未

能能一斗狂來便喚鋪隨身睡去猶聞香滿口今  
年二月擒九虎搗去凶巢還淨土深林鬼伯不敢  
啼僵臥蓬根血濡縷老夫對之發竒想全力神威  
聚高顙笑取雙顙作枕頭圓頂爲觥視諸掌傳觀  
賓客都云怪虎亦英雄論成敗倘教靈氣長不磨  
大嚼高眠同一快吁嗟乎此枕此杯惟我獨潤澤  
晶瑩比紅玉萬山風雨夜三更起問牀頭酒應熟

罷獵行

有引

設弩兩旬已得九虎意謂盡矣二十六日刀

三才圖會  
不文牒報先於初六日在鐵廠河獲一虎一  
豹十六日在八排格界得一虎剖腹得胎三  
先後綜計之共十六虎矣農事將興作罷獵  
行以告塗人

兩旬未終殺虎九或云已無或云有潛形未必化  
神龍發蹤豈屑稱功狗土人來告音誦誦驚言虎  
視猶耿耿須與土官投牒至兩虎一豹名爲三神  
奇臭腐皆如此剖胎毛血斑斑紫民今而後得反  
之醜類雖多其滅矣行人且行歌且歌開林斬棘

煩奔柯畏途已見作安土遷客仍還尋舊窩我初  
立法如疑陣誰敢操權期必勝雞蟲得失皆偶然  
豚魚感格中孚信君不見昨日清明生曉煙家家  
負郭有腴田短衣射罷笑歸去且逐兒童放紙鳶  
捕虎事竣寄勞顧霽崖司馬

威遠之虎威莫當當道食人如食羊土民稱王不  
稱虎我云擒賊須擒王前詩已擒十一虎合以乳  
胎得其五倘畱餘孽萌芽生多似犬豚毒如蠱十  
年之患傷民心相傳死者二百五十有四人官爲



民父母何以縱虎虐其兒與孫目無見焉耳無聞  
得無與虎同不仁顧侯聞之肅然起誠如公言聞  
命矣此時告百姓百姓悲而喜不求同虎生但求  
同虎死今朝殺虎一明日擒虎雙虎毛蝟縮心已  
降大兒履虎尾小兒編虎鬚田父泥飲看見嬉路  
人晚飯食肉糜君不見爲政貪殘虎爲禍官若先  
勞民不惰右則右之左則左百姓信君君信我我  
心君心民心同思之且與神明通山深燐火飛寒  
風白日所照晴雲紅耕田鑿井歌年豐

祭告威遠山神作有引

罷獵後威遠知事陳君文楷廩生楊肇先楊  
維楨先後來謁云皆自大道來虎跡已絕爰  
具牲醴望祭其山之神復作此歌

兩旬已擒十六虎人力不能仗神武有功於民則  
祀之榕也修詞陳酒脯惟虎之禍年復年四百里  
路無人煙虎之飛來若羽翼虎之就死如拘孿旣  
寢其皮食其肉覆其巢穴夷其族骨可爲膠睛可  
丸虎不能言俛應哭我再告神神聽之神除民害

神無私地當煙瘴復荒瘠時有疾苦神扶持神曰  
君言胡瑣瑣天地生人亦蟲裸馬牛襟裾虎而冠  
其權在人不在我吁嗟乎邊方爲政傷煩苛今之  
民氣將如何沿街兒女歡聲起笑唱先生殺虎歌

病日乞休總督蔭渠劉公

長佑

巡撫鶴田

杜公

瑞聯

均不見許賜書慰藉論緩十年

感賦六首

不盼除書乞挂冠但思藏拙豈偷安醫云脈緩心  
虧血藥洗眸昏病入肝只望中流撐砥柱驚聞函

谷塞泥丸

時聞俄羅斯近塞

紛紛花樣翻新改似我都從

霧裏看

束帶於今四十年無憑幻象各雲煙城中高髻顏  
如畫袖裏新詩手自編但隔微塵終是障非登絕  
頂豈能仙一蹄水望千鱗化此路原應早避賢

百慮煎腸痛死生羞將短髮戀長纓糟糠我已慚

夫婦

辭夫人歿三十年未葬

花萼人皆有弟兄望斷松楸虛

負土思尋蓑笠早歸耕不知造化終何意獨上高

樓看晚晴

玉笙樓詩錄

卷十

圭

盼到書還更勸留懸車且緩十年休

杜公書云律以懸車之義

尙少十年按諸臥轍之情正多百姓

蛾眉再畫人應笑猿臂從來廣

不候未免悲吟同漆室誰知宏濟是虛舟空存皮

骨腰難折敢道於今放出頭

丁丑冬予幸列大計保薦有勸予及時赴

部引

見者

倦羽離籠願又違

戊寅夏權臬司任內乞休未允

形同黑黑戀依

依天吳紫鳳隨顛倒白壁青蠅各是非吹皺池萍

干甚事聽殘杜宇不如歸雲霄高處鴻音遠獨立

風前鷓退飛

自在平心自在觀強教學步更蹣跚能空色相談  
何易老受人恩報恐難生也不才無論命時乎多  
故豈宜官神仙遊戲天如醉且復高歌莫淚彈

寄懷童慈菴檢討械都門

正復思君忽枉書書中問我近何如恩恩十載別

來久草草一官才更疎文采好鳴阿閣鳳君以總纂實錄

告成 賞花翎 恩 幽棲莫羨錦江魚自知嬾漫嘲難解醉

裏狂吟略似初

楊慶伯中丞輓詩二首

十載同官憶錦城歡呼無敵酒能兵高寒眉宇如

秋爽磊落胷懷為我平盜起潢池齊解甲公任成都府解

散安岳時逢凶歲免呼庚甲子蜀饑斯民直道聞

輿誦何止難忘舊雨情

持節西行控百蠻地分中外扼雄關任廣西巡撫出師援越南

偏師遠出蒼梧郡好句曾題紫柏山舊作過紫柏山謁留侯廟

詩書扇數我舊遊如夢裏知公生氣尙人間南荒

獨立成惆悵湘水無情去不還時歿於長沙省城

蜀人至聞趙元卿觀察歿於里泣輓四首

好友元卿死初聞淚滿裳舊遊太零落新稿待商

量眼底誰名士愁中憶侍郎

前數日聞薛鏡堂侍郎訃

正多憂

患事何只痛琴亡

少壯先遊蜀公才已早知從征南下日被

命北來時

己巳余再入滇明年君授迤西兵備道

乍對重陽酒同吟

秋草詩

君和余秋草詩四首

寥寥千古意無語兩心期

宦境真如水言歸未買山遠聞移疾去差喜著書

間消息頻相問牢愁恐未刪峻嶒支鐵骨猶自說

清屨



元卿原不死死去作星辰世惜文章老

朝推御史真

君初官給諫有直聲

家庭知有子碑版屬何人

淒絕戎州路無從問去津

楊性農比部

名彝珍武陵人

通籍後即投紱還鄉

以詩古文鳴海內曩見其著述固未識也

庚辰五月介采九觀察以書先寄並示近

作古文二首答書意有未盡綴古詩三章

於尾

暑雨兼五旬百體無一適微陽漏樹紅曉嵐壓山

白持節領雄邊借箸籌前席蕭蕭短髮翁踽踽獨  
行客抗心欲希古顛倒搜簡策俗論襲皮毛精思  
通命脈忽得劉郎書千里速傳驛再開楊公緘箋  
幅才盈尺慕藺欣有素神交不相隔奇文許共賞  
斬然蹊徑闢此時暗室中明珠照眼碧起誦口流  
沫聲出如金石

乾坤秘真蘊彌綸長萬古若云可假借日星且臭  
腐文章載道器氣象互吞吐飛鳴卽鸞鳳變化亦  
龍虎時當下筆先守中以爲主不然笑與啼嬰兒

抱母乳選家非一格汎濫或舛午如將臨大敵嚴

陣分部伍先生正的文

君選文正的

國朝古以序見示

全豹惜

未觀揣其命名意方員必規矩李子序最詳

李次青廉

訪序正的文極賅備

條目慎去取性理並考據兩途雜訓詁

吏事法家言區區安足數

所選古文有涉性理考據公牘者皆置之

榕

也持此見久藏手畫肚先已得我心異哉同肺腑

是編傳海內若聳震金鼓摹擬者何為耳孫忘鼻

祖

賤子讀書少將老百悔生便許增歲月豈復前聰

明抱茲鬱鬱懷四顧天無情出語寫胸膈宛似秋  
蟲鳴遐想慕飛仙高樓吹玉笙以此題我集敢埒  
時賢名近復刪少作塗乙還縱橫得皮思換骨鍊  
液求其精所慮見測蠡發言乖正聲君詩舊曾讀  
體高神理清可望不可卽御風空中行安能縮地  
法共結騷壇盟繩削而鍼砭我詩或有成

邊秋四首

誰云好景故依然萬變陰晴頃刻天長夜聽笳朝  
聽鼓窮猿啼雨鳥啼煙山多毒草花迷路市少饑

人穀滿田何物老蛟藏不得敢來平地作奔泉

甯海

縣之紅石巖有蛟出

落霞低暗暮雲浮半折危旌傍戍樓萬嶺圍遮千

里日幾家團結一城秋金風漸起能消瘴羽檄無

多緩置郵

南路驛遞多廢

鴈苦長征鴉乞食閒情最好是

沙鷗

幾曾先事問邊才石破猶存劫後灰百戰用兵英

氣盡

普洱府城被陷兵練及民間殉義者多就湮沒

四更無夢亂愁來腰

量衣帶占消瘦腸似車輪任轉迴風動疎林驚葉

落夷歌遠唱有餘哀

逸馬亡羊共不收  
螢隨燐火照枯體  
誰橫鐵笛吹  
將裂長望銀河淡  
欲流老我尙稱詩  
有膽思家難  
畫月如鈎人間天上分  
門戶欲向吳剛借  
斧修

雨後五薇堂獨坐三首

虛堂類禪棲  
桐葉搖新翠  
遠山如淡交  
雲來蒸雨  
氣已甘爲退  
叟倏焉作邊吏  
婆娑老樹花

五薇僅餘老根

想像前賢意

堂爲前觀察歸安王公鑿所建

嗟嗟鈍爲根  
寥寥囊

有智感憤書  
罪言低徊不成字

地有中外分此天人共戴戴天以治民天心多仁  
愛種人已云雜居處極邊塞治法差毫釐立時殊  
向背兵後廿年餘奈何百事廢是非或倒置尺寸  
皆破碎土官事流官流官當教誨持念無偏私施  
行少窒礙客言所見左安能皆我輩不如姑聽之  
我聞一聲慨

雨過忽暴晴絲衣尙須薄用以息勞人或云此間  
樂我思心惴惴又復交落落吏牘尙塵積豈能盡  
高閣朝披手口忙夜夢情懷惡頽牆插短籬新霜

被殘菊自嗟亦孤根柴立鮮依託  
芩連苦亦甘深

嘗耐咀嚼

時患濕熱多服苦寒之劑

迤南種人紀詠四十首

有序

迤南道駐普洱府城所屬皆極邊要種人實繁有徒余以己卯十月來權兵備今將一稔暇以誌乘所載見聞所及者記以短句得四十首其荒誕無稽及非所屬者仍置之

萬里投荒更極南醉鄉分袂我何堪  
詩人自古無詩處且學媿隅作笑談



青紅毒草繡成堆道出甘莊絕可哀

甘莊郵屬元江州為煙瘴

最毒之處

雨過瘴煙飛五色愁奴還說彩雲開

霜高木落已殘秋十月元江火未流團扇單綃眠

不得納涼還上最高樓

元江多平房樓居為納涼處

揀金同唱浪淘沙比鑄銅山願更奢地有財源人

種禍一堆白骨是誰家

他郎廳屬坤勇金廠砂丁數千為逋逃藪動即械屬

死亡莫可究詰

雍正乾隆

聖德昌新開郡縣壓邊荒周時產里明車里數典

從何問漢唐

雍正七年改土歸流設普洱府乾隆三十一年添設迤南兵備道駐府城

溯其沿革自漢唐至宋皆不通中國

叱馭來經路萬盤邊氓夾道只旁觀嘈嘈不解侏

僑語遙見旌旂避長官

種人遇官於塗皆引避去

猓獾黑白是耶非遮雨隨身著草衣六月過年逢

廿四跳笙攜手笑成圍

黑猓獾以草葉披衣日遮雨白猓獾以每年六月二

十四日為度歲男女攜手成圍吹笙跳舞曰跳笙

躍過危崖步石梯頭能戴物手能攜青錢沽酒羣

呼類歸去窩泥醉似泥

窩泥負薪入市得錢沽酒必醉

去上茶山卽遠鄉但分名色看衣裳家家飽啖花

猪肉今歲新修掌子房

窩泥又名倭倪有衣黑衣白二種至思茅屬之茶山

卽云遠行所居之樓人在上雞犬在下曰掌子房所蓄花猪尖耳長喙多肥美曰窩泥猪每以餉客

擺夷名種太紛擊汝在山顛又水涯若箇醜同山

上石阿誰美似水中花

山居名旱擺夷貌黑醜水居名水擺夷貌白哲喜潔

好浴婦女尤甚

髮絲如鏡樣如盤且作新妝墮馬看彩袖銀環迴

映處便非錦簇亦花團

花擺夷髻大如盤花滿其上著五色衣若補衲狀

郎愛栽秧妾愛花花開供佛更堆沙沙邊有水妾

歡喜潑上郎衣一笑譁

水擺夷供佛以山花插沙堆上曰堆沙男女以水相

潑濕衣為樂

頂上橫平木板獠自云鼻祖是唐堯兒童四子書

會讀先有堯皇后有朝

頂板獠人以蠟裹髮使橫平於頂上加小木板亦有

識漢文讀四書者有問所從來則曰獠乃唐堯之後先有堯後有朝是可嘔也

裹髮頭尖似角根味同嚼蠟况生吞強弓毒矢操

神技醉獵還家不閉門

獠人有名支角者以蠟裹髮如獨角突起天庭上善

製弩好獵每生啖鳥獸肉

一種蒲人誤濮音平居自喜入山深不知世味誰

甘苦剝盡芭蕉一寸心

蒲人即古之百濮以音似而訛者喜居深山如移平

地即病每食蕉心為蔬菜

志乘流傳記苦蔥諧音又與古猓同

元江他耶種人有苦蔥載

之志書形之奏牘皆此二字西路又稱古猓音同字別性好獵善製弩

短衣射虎蒼

茫去白草連天正挽弓

沙儂習俗自為強七筋腥羶各勸嘗何物隨身先

有膽一條如雪是刀光

沙人儂人性相類出必佩刀曰有膽

散髮何時住大荒醜同奇鬼眼生芒問渠仙藥能

傳否百戰如披鐵裊襠

獅子披髮文身遇戰必先服藥刀箭皆不能傷每告

人曰我有  
鐵衣裳也

角巾高壓似兜牟分被雙肩髮兩頭常見阿姑須

右袒左邊阿舅要遮羞

糯比婦人頭戴青布巾狀如斗衣青衣及臍而止袒

其右乳詢以故則曰右乳是阿姑必須常見左乳是阿舅須掩之是遮羞也

卡情癡愚日午眠聞聲喜起聽鳴絃人間尙比天

孫巧代有兒孫償聘錢

卡情性愚喜絃歌娶婦多索聘錢後有兒孫爲其父

祖償此  
債者

濁酒温時笑口開驚看利米射生回茹毛飲血風

猶古不食人間煙火來

利米好獵善飲  
每生啖鳥獸肉

黑衣丹齒姓名無露出團臍老布都有客自稱西

莫洛藤邊花似畫葫蘆

老布都西莫洛兩種人皆無姓名布都著青短衣露

臍於外染紅齒西莫洛以雙藤束腳肚刺花於下

布孔貧無擔石儲偷兒誰敢作家奴東鄰有女心

偏羨能劫人財好丈夫

布孔極貧亦無名姓乞為人傭即盜其主男女自相

為偶有善盜者女子聞而嫁之以為能事云

麻黑山居最習勞賣薪歸去吸殘膏羨他腰下紅

藤束卡瓦應官氣自豪

麻黑人最貧苦負薪入城即買鴛栗膏吸之卡瓦腰

繫紅藤通漢語多充官役者

直道遺民在猛烏官錢不必事追逋毫釐掃數歸

年例兩半分留木節符

猛烏地有阿卡性愚直應交甯洱縣錢糧以木節符

為信縣署阿卡各執一半若相合則全數上納無帶欠也

猶猱飛走語啾啾赤體麻衣歷夏秋七首袖中三

寸許祭神當路借人頭

磨乃厥另有卡瓦貌醜性悍善用飛鏢七首每殺人

取頭以祭穀神名曰借頭云

裸黑山深接大了不歸外域不中華石家兄弟雙

龍鳳會長依然喚太爺

裸黑山在普洱府西南上接緬甯廳壤中接威遠廳

之猛班土司地下接思茅廳之六順土司地現在夷人所尊之長曰太爺有石朝鳳石朝龍弟兄主



之有李姓者人稱為李三老虎其人不屬中華亦  
不屬緬甸火種刀耕皆稱獐黑大了口乃酋長所  
居地也

一入空門骨肉忘黃單遮面見爺娘醍醐灌頂難

知味兄嫂親來跪進漿

夷人送子弟入緬寺削髮誦經則身被黃背單其父

母兄嫂每往餉食皆跪進其子弟以黃單遮面受之所食多辛酸味

堂堂緬寺最高層大佛傳衣即上乘底事土官謀

襲職孤兒逃死乞為僧

緬人信浮屠教故夷人稱寺曰緬寺其徒尊其長老

曰佛爺著黃袈裟近有土把總歿恐為族人所圖其孤子入寺為僧以避禍云

踰牆處子本無媒歧路誰能奪壻回今日還家應

紫聘女兒親抱外孫來

夷女與人偕奔其家追之多不及而返生子後其女

攜所生子並壻往見之乃議聘錢女家隨拾土塊石子堆室中日銀必若是大親友勸減隨手去之

不過十餘金卽了矣

百里花房見媚猪墨團轉恐粉痕污亭亭冠子名

雞罩自惜銀圈項上無

僕獬貌醜其女以最黑爲美未嫁者戴布帽曰雞罩

帽項戴銀圈無銀則以巴子鐵代之今甯洱縣屬八十里外之乾田花房皆有此種人

白蠟荒荒猛野空晝行猶似夜朦朧

猛野瘴甚誰日有暮氣

家少婦頭飛去不見傳神阿堵中

距猛野六百里之白蠟果寨其

婦人項頸有紅絲圍繞日無瞳人夜卽飛去能盜人物或食小兒卽飛頭獠又名屍致魚其人皆諱

之言

不搖草任暖風吹

風吹不搖草產夷地

獨葉花開見一枝

獨葉

一枝花野草名

何處遊人偏翦髮鬼妻攜手上樓時

車里人多

娶妻妾皆不妬夫死人皆棄之曰鬼妻過客有贅者曰上樓上樓即翦其髮終身不得歸矣

藤圈三匝首如蓬周李胡羅數姓中阿莫相逢呼

阿怒可憐阿臭太愚蒙

阿莫阿怒皆種人多周李胡羅王五姓阿臭獾羅愚

甚多為盜者

三撮毛夷狀類囚人云藤甲種遺留而今尚有天

威在共把爺娘奉武侯

三撮毛獾黑別派留髮三撮以中為諸葛武侯左為

阿爹右爲阿嫖蓋奉武侯如父母也  
其身纏束多用藤卽藤甲遺種云

髮畱一撮是戈羅皮肉斑斕刻畫多帕首紅巾腰

繫白自攜長劍舞天魔  
戈羅俗曰一撮毛頭纏紅布下體以白布遮之凶悍

好殺常舞  
刀劍爲樂

銅壁關連鐵壁關出關中有野人山客從阿瓦收

奇貨新得桃花碧璽還  
買人自騰越銅壁關鐵壁關赴緬甸阿瓦城必由野

人山經過其人不屬緬漢動多劫殺緬甸寶井所  
產之石以桃花色之碧霞璽爲最每重一兩值白

兩金百

曾聞怒獠產西方鏢劍橫行又阿猖安得收歸農

器鑄廿年兵後廣田荒愍子獯獯阿猖皆在迤西山中凶悍好鬪不事耕作  
前迤南亦偶見之亂後無類矣

舊俗敦龐似古初漢民同俗亦同居何當盡作民

家子解得耕田又讀書

民家子即古白人之國俗同漢人且有通婚姻者

老我封侯夢欲闌

朝廷無事遠人安他年樂府傳佳句應有弓衣繡  
出看

重九日登普洱府城樓眺遠四首

看山山莽莽對酒酒渾渾更向高城望微茫見遠

邨風橫飛掃瘴石裂鏟爲門斷角如悲語淒涼舊  
戰魂

細碎分黃紫離離野菊花民窮官似衲天遠客無  
家倒尾難同蔗歸心早及瓜四圍寒色慘草沒女  
牆斜

何事不歸去南來又被荒樹濃禽羽翠日落馬頭

黃水弩巢陰壑金繩鎖鐵梁

郡屬之把邊江中有水怪形如篔簹俗稱席

子嘉慶初曾吞象每夏令多黑氣舟即覆余與游擊孫君世恆龍君文藻並士庶共捐資一萬餘金造建鐵索橋五十丈我無兄弟矣偏爾鴈成行

元季多兵事相傳屢失真

元八百媳婦國或云在今九龍江外之大猛養

一帶或云在老搗境

八蠻通漢譯

緬甸暹羅越南老搗皆接邊壤

五色燦文

身

夷人多文身惟緬子刺五色花

異地重陽節歸途半醉人清齋

譚貝葉奇字象圓輪

是日得緬書佛經一卷字皆圓形

### 秋夜聞聲作四首

但有山無地平居絕頂高長天飛落葉永夜讀離

騷烏鵲傳聲遠豺獾對影號行邊瞻使節霜氣滿

征袍

劉印渠制府閱兵自東路至南

南隅炎煥苦涼意忽蕭森蟋蟀同誰語芭蕉獨此

心城荒旗獵獵戍遠鼓沈沈搔首書空字羈懷付  
短吟

自訝衾如鐵鐙移眼有花開門看北斗落月漸西  
斜風動辭新箨簾垂墮畫叉披衣忘舊夢雞唱逼  
鄰家

七尺軀何用雙肩萬古愁黃金非大藥滄海亦浮  
漚時方佛尙悲千劫天難限九州鼃鼃驕白日噓  
氣幻雲樓

行西郊至龍潭亭上小憩循何家橋而返



卽事二首

尺寸皆餘燼休云是陋邦  
嫩隅池影躍格磔鳥聲  
吮草立黃遮路沙明碧  
映窗蠻歌兒女雜無笛更  
無腔

斜看圓照寺

與龍潭近

清磬出山遙近郭  
礎千杵移花

土一盤

移種木芙蓉於官廨

暗含雲脚雨閒訪  
石頭橋畫境

依然在秋林出晚樵

寄懷辜耘箬

培源

明府

識君君綺歲今已逼  
中年出宰山水窟

初權大甯縣有政聲

言歸書畫船閉門開日月放筆好雲煙  
山水寄語  
何時達南鴻唳遠天

新竹

新竹如兒童長大難拘束曉來風露清自染一身  
綠

普郡兵後城堞傾欹老樹奇藤繆結於上  
余屬縣令拔除修理之其根柯之礪礪盤  
曲者移置署中池上仿老蘇意爲木假山  
賦七言長律十六韻

孤城九月秋將老萬樹陰濃一色寒怒奮牙鬚穿  
雉堞開張鱗爪肖龍蟠初疑畫影枝撐翠漸染霜  
痕葉洗丹眾嶺遙晴收薄霧層樓更上怯危闌我  
來手恐攀藤墜人訝皮皴屈鐵盤脾睨將傾畱徑  
仄莓苔如繡惜碑殘曾經野火茅偏塞略溼征衣  
露未乾比戶尙愁懸磬乏重圍回憶守陣難杈枒  
久作交柯勢斬刈應同惡竹竿再闢田疇須買犢  
普郡兵後田野荒蕪不可勝數無議開闢者無名枳棘竟棲鸞  
威遠所屬夷地  
多產靈根拔地多奇狀宦境浮雲好靜觀洞穴玲

孔雀

靈根拔地多奇狀宦境浮雲好靜觀洞穴玲

瓏干疊石池塘清淺半迴瀾東坡木假詩堪讀南  
徼兵銷壁幸完斧鑿雕鐫求大匠嶽寄厯落笑閒  
官長思小摘親鋤菜不免低吟誚伐檀自拂塵襟  
羞束帶故園松菊酒杯寬

古諺有落索阿姑餐一語續之得詩二首

落索阿姑餐阿姑中饋主阿姑年幾何阿姑年十  
五

落索阿姑餐阿翁相爾汝但聞阿姑聲不聞阿翁  
語

偶步荒園口占六言二首

池上茸茸淺草非其種者鋤之拔去重生更易居  
然似我霜髭

移來野菊芙蓉籬角牆隅位置枯枝突見花開便  
是胸中快事

夜起

寒衾無熟睡起問夜何長風緊雞喉澀鐙昏鼠膽  
張地猶車里國官似贊公房照影生虛白微畱落  
月光

郊外卽事

雲起撲人面旌旗逐鳥飛乍寒催雨氣當午散晴

暉壁壘新生色

時代制府閣普洱鎮屬五營官軍陣式

巒峯大合圍

卅年重見此野老亦歔歔

自咸豐五年迤西亂後武備未修

雞鳴謠

爾胡不平爾胡自鳴蟲聲雞聲四更五更蟲聲將

息雞初號仰看星斗城頭高

一城頭東雞啄蟲城

頭西雞啄泥城頭南雞啼殘城頭北雞唱歇雄兮

抱雌雌抱卵卵化爲兒錦包裹五色鳳凰不如我

三  
二  
解  
我雞在籠以鬪為功四野狐鼠雞何所容  
三  
解  
鼠

盜我糧已穿我牆狐窺我堂將登我牀羣雞粥粥

心徬徨吁嗟乎不飛不鳴為鳳凰  
四  
解

歲暮得竹珊方伯書並以所議俄羅斯兵

事略見示寄答四首

手札披尋一再過感君憐我問如何鳶飛魚躍心

機少蟻鬪牛鳴耳病多  
格患  
異域無驚聞斥堠  
南  
道

所屬與交趾緬甸暹羅南掌老撾均毗連  
寒宵有夢入煙蘿躊躇百計

林居好茅屋青山好放歌

已領屏藩再請纓將看相業繼文誠方伯為富文誠相國之孫

時邊事設備君自請從戎丁靈早列匈奴傳甲帳新連節度營

便許職方編外紀須知根本衛

神京杞人憂過原無事獨立遙看太白明

南土荒殘浩劫空山光潑翠瘴雲紅居如黑獄茅

新斬種人麻黑猓黑皆誅語盡朱離譯未通諸夷

漢語文字必待譯人素養長河分猓界素養江連銀生舊地

問唐蒙威遠應於唐蒙氏時為催科撫字嗟民力

兩事權衡要折中時將查辦開

壑田畝事宜



去年山寺共尋梅共和詩篇共舉杯別後竟成窮  
塞主書中如見故人來蕭疎白髮愁新沐冷暖紅  
爐引斷灰計日王春占歲首匡扶應仗濟時才

郊望

翻青田字草

其草四葉相連中作十字形名田字草

燦白米囊花路

曲蟠生鐵風狂走亂沙晴暄如夏日窪窟有人家  
叱馭吾何事塵勞感鬢華

威遠虎患已除行人無恐十二月初猛迺  
後山之黃草壩一虎出乃春間追捕而逸

者土民獲以來獻喜而作詩

捕虎如捕蝗布網防餘孽用獵如用兵見機勇而  
決山後無人聞夜吼道臥羊腔棄而走霜盡風平  
氣不驕攘背羣呼弓弩手絕頂窮追三十里誓必  
得之而後已入城獻虎如獻囚我心惻然眾心喜  
吁嗟乎十年養虎害非小此日殲除恨不早吾民  
瘦矣阿誰肥眼底紛紛斷腸草

虎食斷腸草  
百日不飢

除夕讀工部集陳觴而祭感嘆賦詩四首

老作南荒吏愁看工部詩文章變騷雅吾道屬艱

危事事雲翻手條條雪染髭長留青笠子飯顆最  
相思

天寶開元際悲歡自不同無家尋弟妹有淚哭英  
雄死出驚人語生成作史功嗟乎千載後魂魄可  
能通

公猶靈爽在讀罷重徘徊皮骨都難得心肝嘔出  
來苦吟矜晚節多亂仗邊才四海風塵滿雙眉何  
日開

五十八除夕今宵又歲除百年誰逆料一醉更何

如殘蝕憐書蠹回旋笑磨驢移鐙還對竹窗影畫

蕭疎

玉笙樓詩錄卷十

終